

## **Rundi - Mpwemu Yera Ivyanditswe - Holy Spirit Scriptures**

**Matayo 12:28 Ariko Mpwemu w'Imana ni yaba ari we anshoboza kwirukana abadayimoni, noneho ubwami bw' Imana burabashikiriye.**

**Matayo 28:19 Nuko ni mugende, muhindure amahanga yose abigishwa, mubabatiza mw'izina rya Data wa twese n'iryo Umwana n'irya Mpwemu Yera;**

**Mariko 1:10 Avuye mu mazi, aca abona ijuru rirugurutse, Mpwemu aramanuka amugwako, asa n'inuma.**

**Mariko 13:11 Kandi ni babajana babashengeranye, ntimuzohagarikire imitima ico muzovuga; ico muzohabwa cose muri ako kanya, muzobe ari co muvuga, kuko atazoba ari mwebwe muvuga, azoba ari Mpwemu Yera.**

**Luka 2:26 Yari yarabwiwe na Mpwemu Yera yuko atazopfa, atarabona Kristo w'Umwami Imana.**

**Luka 4:1 Yesu yuzuzwa Mpwemu Yera, ava kuri Yorodani, agendagendeshwa mu bugaragwa na Mpwemu, amarayo imisi mirongo ine,**

**Luka 4:18-21 ngo Mpwemu w'Uhoraho ari kuri jewe, Ni co catumye andobanuza amavuta kugira ngo mbwire aboro ubutumwa bwiza.**

**Yantumye kumenyesha abarindwa ko barekuwe, N'impumyi ko zihumuka, No kubohora imitima iri mu kazitiro, 19 No kumenyesha abantu umwaka wo kwemererwamwo n'Uhoraho. 20 Azinga igitabo, agisubiza umusanzi w'inzu, aricara; abantu bose bari mu rusengero rw'Abayuda bamuhanga amaso. 21 Atangura kubabwira ati: "Ivyo vyanditswe birashitse uwu musi, nk'uko amatwi yanyu yiyumviye."**

**Luka 12:11,12 Kandi ni babajana mu nsengero z'Abayuda bakabashira abakuru n'abaganza, ntimuzohagarikishwe imitima n'ico muzokwireguza n'ingene muzokwiregura canke n'ico muvuga. 12 Kuko muri ako kanya nyene, Mpwemu Yera ababwiriza ivyo mukwiye kuvuga.**

**Yohana 7:38,39 Uwunyizera, inzuzi z'amazi y'ubugingo zizotemba ziva mu nda yiwe, nk'uko ivyanditswe bivuga." 39 Ariko ivyo yabivuze kuri Mpwemu, uwo abamwizera bagira bahabwe; kuko Mpwemu ataribwatangwe, kuko Yesu ataribwashike mu bwiza bwiwe.**

**Yohana 14:16,17 nanje nzosaba Data, na we azobaha uwundi Mwitsa, ngo azobane namwe ibihe bidashira, 17 ni we Mpwemu w'ukuri, uwo abo isi badashobora kwakira, kuko batamubona, kandi batamuzi; mweho muramuzi, kuko abana namwe kandi azoba muri mwebwe.**

**Yohana 14:26 ariko Umwitsa, ari we Mpwemu Yera, uwo Data azorungika mw'izina ryanje, ni we azobigisha vyose, kandi azobibutsa ivyo nababariye vyose.**

**Yohana 16:7,8 Ariko jewe ndababwira ukuri; Ikizogira ico kibamarira, ni uko jewe ngenda; kuko ni ntagenda, Umwitsa ntazoza kuri mwebwe; ariko ni nagenda nzomubarungikira. 8 Uwo ni yaza, azohinyuza abo isi, abemeze**

**ivyo icaha, ivyo ukugororoka n'ivyo urubanza;**

**Yohana 16:13-15 Ariko uwo Mpwemu w'ukuri ni yaza, azobarongora abashitse ku kuri kwose, kuko atazovuga ivyo yigeneye, ariko ivyo azokwumva vyose ni vyo azovuga, kandi azobamenyesha ibigira bize. 14 Uwo azoshimagiza jewe, kuko azokwakira ku vyanje, akabibamenyesha. 15 Ivyo Data afise vyose ni ivyanje, ni co gitumye mvuga nti: "Yakira ku vyanje, akabibamenyesha."**

**Yohana 20:21,22 Umugore iyo aramutswe, aja mu mubabaro, kuko igihe ciwe kigeze, ariko iyo umwana amaze kuvuka ntaba acibuka kugorwa kwiwe, kuko anezerezwe n'uko umuntu avutse mw'isi. 22 Ni ko namwe muri mu mubabaro, ariko nzosubira kubabona, kandi imitima yanyu izonezerwa, umunezero wanyu nta n'umwe azowubanyaga.**

**Igitabo C' Ivyakozwe N'Intumwa 1:2 gushitsa ku musi yadugijwe mw'ijuru, ahejeje gusigarana amategeko intumwa muri Mpwemu Yera, zimwe yatoranije.**

**Igitabo C' Ivyakozwe N'Intumwa 1:5 Kuko Yohana yabatirisha amazi, ariko mweho, mu misi itari myinshi, muzobatizwa na Mpwemu Yera."**

**Igitabo C' Ivyakozwe N'Intumwa 1:8 ariko muzohabwa ubushoboz, Mpwemu Yera ni yabazako, muzoba ivyabona vyo kunshingira intahe i Yerusalem, i Yudaya hose, i Samariya no gushitsa ku mpera y'isi. "**

**Igitabo C' Ivyakozwe N'Intumwa 2:1-4 Umusi wa Pentekote ushitse, bose bari bakoraniye ahantu hamwe. 2 Haza igihinda kivuye mw'ijuru giturumbuka, nk'uguhuhuta kw'umuyaga w'inkomezi, gikwira hose mu nzu bicayemwo. 3 Hababonekera ibirimvyigabanje, nk'ivyo umuriro; bibajako umwumwe. 4 Bose buzuzwa Mpwemu Yera, batangura kuvuga izindi ndimi, uko Mpwemu abahaye kuzivuga.**

**Igitabo C' Ivyakozwe N'Intumwa 2:17-19 ati: "Bizoba mu misi y'iherezo, ni ko Imana yagize, Nzosuka Mpwemu wanje ku bari n'umubiri bose. Kandi abahungu n'abakobwa banyu bazovugishwa nanje, N'imisore yanyu izobona ivyo yeretswe, N'abatama banyu bazorota inzozi. " 18 Mbere n'abasavyi banje b' abahungu n'abakobwa muri iyo misi Nzobasukako Mpwemu wanje, bavugishwe nanje. 19 Nzoshira utwumiza hejuru mw'ijuru, N'ibimenyetso hasi kw'isi, Amaraso, umuriro no gupfunduka kw'umwotsi. (Yoweli 2:28,29)**

**Igitabo C' Ivyakozwe N'Intumwa 2:33 Nuko amaze gushirwa hejuru n'ukuboko kw'i buryo kw'Imana, kandi ashikirijwe na Se isezerano, ari ryo Mpwemu Yera, none asutse ico muriko murabona kandi mwumva.**

**Igitabo C' Ivyakozwe N'Intumwa 2:38 Petero arabishura ati: "Ni mwihane, umuntu wese muri mwebwe abatizwe mw'izina rya Yesu Kristo, mubone guharirwa ivyaha vyanyu, kandi muzohabwa ingabire, ari yo Mpwemu Yera.**

**Igitabo C' Ivyakozwe N'Intumwa 4:31 Bahejeje gusenga, aho bakoraniye haratigita, bose buzuzwa Mpwemu Yera, bavuga ijambo ry'Imana bashize**

**amazinda.**

**Igitabo C' Ivyakozwe N'Intumwa 8:15-17 na bo bamanutseyo barabasengera ngo bahabwe Mpwemu Yera; 16 kuko Mpwemu ataribwamanuke ngo aje no kuri umwe muri bo, bari babatijwe gusa mw'izina ry'Umwami Yesu. 17 Maze babarambikako ibiganza, bahabwa Mpwemu Yera.**

**Igitabo C' Ivyakozwe N'Intumwa 8:39 Bavuye mu mazi, Mpwemu w'Uhoraho Imana ajana Filipo, iyo nkone ntiyasubira kumubona, kuko yashishikaye kugenda inezerewe. (1 W'abami Rya Mbere 18:12)**

**Igitabo C' Ivyakozwe N'Intumwa 9:31 Nuko ishengero ryose ryari hose i Yudaya; Galilaya n'i Samariya rigira amahoro, rirahangama. Kandi rigenda ryubaha Umwami Yesu, rihagarikiwe na Mpwemu Yera, riragwira.**

**Igitabo C' Ivyakozwe N'Intumwa 10:44,45 Petero akivuga ayo majambo, Mpwemu Yera aramanuka, aja ku bariko barumva iryo jambo bose. 45 Abizeye bo mu bahimbuwe igikoba c'ubugabo barumirwa, abazananye na Petero uko bangana, kuko n'abanyamahanga na bo basutsweko ingabire, ari yo Mpwemu Yera.**

**Igitabo C' Ivyakozwe N'Intumwa 11:15 Ngitanguye kuvuga, Mpwemu Yera arabamanukira, nk'uko yatumanukiyebo ubwa mbere. "**

**Igitabo C' Ivyakozwe N'Intumwa 13:52 Abigishwa buzuzwa umunezero na Mpwemu Yera.**

**Igitabo C' Ivyakozwe N'Intumwa 19:6 Pahulo amaze kubarambikako ibiganza, Mpwemu Yera abazako, bavuga izindi ndimi, bavugishwa n'Imana.**

**Igitabo C' Ivyakozwe N'Intumwa 20:23 atari uko Mpwemu Yera anshingira intahe mu gisagara cose yuko iminyororo n'ivyago bintegeyeyo.**

**AbaRoma 5:5 Ukwo kwizigira ntigutetereza, kuko urukundo rw'Imana rwasutswe hose mu mitima yacu na Mpwemu Yera twahawe.**

**AbaRoma 8:9 Ariko mweho ntimuganzwa n'akameremere k'umubiri, ariko muganzwa n'impwemu, bisanzwe Mpwemu w'Imana mubana. ariko iyo umuntu adafise Mpwemu wa Kristo ntaba ari uwiwe.**

**AbaRoma 8:13-16 Kuko namba mwitondera ivyo akameremere kanyu, ntimuzobura gupfa; ariko ni mwica ivyo umubiri ukora, muvyicisha impwemu, muzobaho. 14 Abarongorwa na Mpwemu w'Imana bose ni bo bana b'Imana. 15 Kuko mutahawe impwemu y'ubuja ngo mwongere gutinya; ariko mwahawwe impwemu yo kubahindura abana b'Imana, ni yo ituma dutakamba tuti: "Abba" 16 Mpwemu ubwiwe abwiririkanya n'impwemu yacu, ari icabona, yuko turi abana b'Imana.**

**AbaRoma 8:26 Ni ko na Mpwemu adufasha mu ntege nke zacu; kuko tutazi uko dukwiye gusenga, ariko Mpwemu ubwiwe aradusengera, aniha iminiho itovugwa;**

**AbaRoma 15:13 Imana itanga ivyizigiro ibuzuze umunezero wose n'amahoro biva ku kwizera, kugira ngo murushirize kwizigira ibizoba, mubihawe n'ubushobozi bwa Mpwemu Yera.**

**AbaRoma 15:19 n'ubushobozi bw'ibimenyetso bikomeye, n'ibitangaza, n'ubushobozi bwa Mpwemu Yera. Ivyo vyatumye nshitsa ubutumwa bwa Kristo, utanguriye i Yerusalem, ugakikuza, ugashika no muri Iluriko.**

**1 Ab'i Korinto Rya Mbere 2:10-13 Ariko Imana yabiduhishuriye muri Mpwemu wayo; Mpwemu asesa vyose, n'ibihishijwe vy'Imana. 11 Ni nde mu bantu azi ibiri mu muntu, atari impwemu yiwe, iri muri we? Ni ko n'ivyo Imana biri, nta wubizi, atari Mpwemu w'Imana. 12 Ariko tweho ntitwahawe impwemu y'iyi si, ariko twahawe Mpwemu ava ku Mana, kugira ngo tumenye ivyo Imana yatugabiye. 13 Na vyo nyene turabivuga, ariko ntitubivuga mu majambo yigishwa n'ubwenge bw'abantu, ariko tubivuga mu yigishwa na Mpwemu, tugereranya ivyo impwemu n'ivyo impwemu bindi.**

**1 Ab'i Korinto Rya Mbere 3:16 Mbega ntimuzi yuko muri urusengerero rw'Imana, kandi ko Mpwemu w'Imana mubana?**

**1 Ab'i Korinto Rya Mbere 6:11 Kandi bamwe muri mwebwe ni ko mwari muri; ariko mwaruhagiwe, ariko mwarejejwe, ariko mwatsindanishirijwe mw'izina ry'Umwami Yesu Kristo no muri Mpwemu w' Imana yacu.**

**1 Ab'i Korinto Rya Mbere 12:3 Ni co gituma ndabamenyesha yuko ata muntu avugishwa na Mpwemu w'Imana, avuga ati: "Yesu n'ikivume, kandi ata muntu ashobora kuvuga ati: 'Yesu n'Uhoraho, atabivugishijwe na Mpwemu Yera.'"**

**2 Ab'i Korinto Rya Kabiri 3:17 Arikko uwo Mwami ni we Mpwemu; kandi aho Mpwemu w'Uhoraho ari, ni ho haba umwidegemvyo.**

**2 Ab'i Korinto Rya Kabiri 13:14 Ubuntu bw'Umwami wacu Yesu Kristo, n'urukundo rw' Imana, n'ubumwe buva kuri Mpwemu Yera, bibane namwe mwese.**

**Ab'i Galatiya 4:6 Kandi kuko mu bana bayo, Imana yatumye Mpwemu w'Umwana wayo mu mitima yacu, atakamba ati: "Abba, Data."**

**AbanyEfeso 1:13,14 Muri we namwe mumaze kwumva ijambo ry'ukuri, ni ryo butumwa bwiza bw'agakiza kanyu, mumaze no kumwizera, ni ho mwashiriweko ikimenyetso, ni co Mpwemu Yera yasezeranywe. 14 Ni we ngwati y'umwandu tuzohabwa, kugira ngo abo Imana yaronse ibacungure, ngo ubwiza bwayo bushimwe.**

**AbanyEfeso 2:18 Kuko, uko twari amoko abiri, ubu ni we adushikiriza Data wa twese, turi muri Mpwemu umwe.**

**AbanyEfeso 4:30 Kandi ntimukababaze Mpwemu w'Imana, yabashiriweko kuba ikimenyetso, gushitsa ku musi wo guzungurwa.**

**1 Ab'i Tesalonike Rya Mbere 4:8 Ni co gituma uwuvyanka ataba yanse umuntu ariko aba yanse Imana, kandi ari yo ibaha Mpwemu wayo Yera.**

**1 Ab'i Tesalonike Rya Mbere 5:19 Ntimukazimye Mpwemu;**

**2 Ab'i Tesalonike Rya Kabiri 2:13 Arikko bavukanyi bakundwa n'Umwami wacu, biradukwiye kwama tubashimira Imana, kuko uhoreye mu bihe vy**

**kera Imana yabatoranije ngo muronkere agakiza mu kwezwa na Mpwemu no mu kwizera ukuri. (1 Petero Rya Mbere 1:2)**

**Tito 3:5,6 iradukiza, itadukirishiye ibikorwa vyo kugororoka twakoze, ariko, ikurikije ubwinshi bw'imbabazi zayo, idukirisha ukwozwa kuzana ukuvyarwa ubwa kabiri, ikadukirisha uguhindurwa basha na Mpwemu Yera, 6 uwo yaducuncuburiyeko kubwa Yesu Kristo Umukiza wacu, AbaHeburayo 2:4 Imana ifatanije na bo kugashingira intahe, iyishingisha ibimenyetso, ibitangaza, ibikomeye vy'uburyo bwinshi n'ingabire za Mpwemu Yera zagabanganijwe nk'uko yagomvye.**

**AbaHeburayo 10:15 Kandi na Mpwemu Yera ni we cabona kidushingira intahe y'ivyo.**

**1 Petero Rya Mbere 1:2 mwatoranirijwe mu kweza kwa Mpwemu nk'uko Imana Data wa twese yabamenye uhereye kera, kugira ngo mwumvire Imana, mumijwe amaraso ya Yesu Kristo. Ubuntu n'amahoro bigwire muri mwebwe.**

**2 Petero Rya Kabiri 1:21 kuko ata jambo ry'abavugishwa n'Imana ryazanywe no kugomba kw'umuntu, ariko abantu bavuga ivyava ku Mana, barongowe na Mpwemu Yera.**

**1 Yohana Rya Mbere 4:2 Iki abe ari co kibamenyesha Mpwemu w'Imana, impwemu yose yatura Yesu Kristo ko yaje afise umubiri, iba yavuye ku Mana,**

**1 Yohana Rya Mbere 5:7,8 Kandi Mpwemu ni we abishingira intahe, kuko Mpwemu ari ukuri. 8 Kuko ibishingantahe ari bitatu, Mpwemu, amazi n'amaraso; kandi ivyo bitatu bihuriza hamwe.**

**Yuda 1:20 Ariko mweho, bakundwa, mwiybake ku kwizera kwanyu kwera cane, musengere muri Mpwemu Yera,**

**Exodus 35:31 Spirit of God, in wisdom, in understanding, and in knowledge, and in all manner of workmanship;**

**Igitigiri 11:25 Spirit of God on Moses put on 70 elders who prophesied.**

**Yobu 33:4 The Spirit of God made me, and the Breath of the Almighty gave me life.**

**Yesaya 11:2 the Spirit of the LORD shall rest upon Him, the Spirit of wisdom and understanding, the Spirit of counsel and might, the Spirit of knowledge and of the fear of the LORD;**

**Mika 3:8 I am full of power by the Spirit of the LORD, and of judgment, and of might,**

**Zakariya 4:6 Not by might, nor by power, but by My Spirit, saith the LORD of hosts.**